

COLOSENSES

Pablo Colosas marãrẽ õãdoredea

¹ Yᵐ Pablo, marĩyagᵐ Timoteo merã mᵐsãrẽ õãdoredea. Marĩᵐᵐ gããmederosũta Jesucristo yᵐre ãgũyare buedoregᵐ pími.

² Irasirigᵐ mᵐsãrẽ Colosas marãrẽ Marĩᵐᵐyarãrẽ Jesúre gũñaturari merã bᵐremurãrẽ gojáa. Marĩᵐᵐ ããrĩnĩgũ mᵐsãrẽ iritamũ, siuñajãrĩ merã ããrĩrikᵐmakũ iriburo.

Pablo Jesúre bᵐremurãya ããrĩburire Marĩᵐᵐre sᵐrẽbosadea

³ Marĩᵐᵐre marĩ Opᵐ Jesucristo Pagure mᵐsãya ããrĩburire sᵐrẽbosarikᵐ ᵐᵐyari sĩa.

⁴ Gᵐᵐ, mᵐsã Jesucristore bᵐremurĩ kerere, gajerãrẽ Marĩᵐᵐyarãrẽ ããrĩpererãrẽ maĩrĩ kerere pébᵐ.

⁵ Iripoegue mᵐsã Jesucristo masakare tauri kerere õãrõ péduripĩbᵐ. I diayema kerere pérã: “Marĩᵐᵐ Jesucristo merã marĩrẽ taugᵐkumi. Marĩrẽ taugᵐ, ᵐᵐᵐgasigue ãgũ merã õãrõ ããrĩmakũ irigᵐkumi”, ãrĩ masĩbᵐ. Irasirirã Jesúre bᵐremurã, gajerãrẽ Marĩᵐᵐyarãrẽ maĩa.

⁶ ããrĩpererogue Jesúya kerere weremakũ pérã, gajerãde mᵐsã iriderosũta Jesúre bᵐremunugãma. Irasirirã ãgũyare irinugãma. Mᵐsã iri kerere pépᵐrorirãgueta: “Marĩᵐᵐ marĩrẽ maĩsĩã, Jesús merã marĩrẽ taugᵐkumi”, ãrĩ masĩbᵐ. Irasirirã: “Iri kere diayeta ããrã”, ãrĩ masĩa.

7 Gwa maĩgũ Epafras m̄sārē iri kerere weremi. Īgũ, gware moātamugũ, Cristore moāboegũ, Īgũyamarē m̄sārē weregũ āārĩmi. Iri moārĩrē neō piribemi.

8 Īgũta gware m̄sā gajerā Jesúyarārē Ōāgũ dey-omarĩgũ iritamurĩ merā maĩrĩ kerere weremi.

9 Irasirirā Epafras m̄sāya kerere gware weredeanũ merāta Marĩpũre m̄sāya āārĩburire sērēbosanerā, inuguedere āsũ ārĩ sērēbosanĩkōāa: “Gwarũ, Īgũsārē Ōāgũ deyomarĩgũ mũ gāāmerĩrē masĩpeomakũ iriburo, m̄yare pēmasĩpeomakũ iriburo”, ārĩ sērēbosāa.

10 Marĩpũre m̄sā marĩ Opũ Cristoyarā āārĩsĩā, Īgũ gāāmerōsũta ōārō irinĩburire sērēbosāa. Īgũ gāāmerĩrē irirā, ōārĩ direta irirākoa. Marĩpũre masĩnemorākoa. M̄sā irasirimakũ ĩāgũ, usuyagũkumi.

11 Marĩpũre turatarigũre Īgũ turari merā m̄sā ōārō yũpũrākuturarā āārĩburidere sērēbosāa. Irasirirā, ñerō tarikererā, āārĩpereri m̄sārē waaburire gũñaturari merā, usuyari merā āārĩrikurākoa.

12 Marĩpũ marĩrē Īgũyarā āārĩmakũ iridi āārĩmĩ. Irasirigũ Īgũyarārē: “Yũ gosewasiriri āārĩrōgue āsũ sīgũra”, ārĩdeare marĩrē opamurā āārĩmakũ iridi āārĩmĩ. Irasirirā, m̄sā Marĩpũre: “Mũ gware irasiriburi, ōātaria”, ārĩ, usuyari sĩburidere ĩgũrē sērēa.

13 Īgũta marĩrē naĩtĩārōgue āārĩrā irirosũ āārĩnerārē taudi āārĩmĩ, wātĩ doresũnerā āārĩnemobirikōāburo, ārĩgũ. Īgũ magũrē Īgũ maĩgũrē marĩ Opũ āārĩburo, ārĩgũ, irasiridi āārĩmĩ.

14 Īgũ magũ boari merã marĩ ñerõ iridea wajare taudi ããrĩmĩ. Irasirigũ marĩ ñerĩ irideare kãtidi ããrĩmĩ.

Cristo boagũ, marĩrẽ Marĩpũ merã siuñajãrĩ bokamakũ iridea

15 Marĩpũre ããña máa. Cristo ĩgũ magũ, ĩgũ Pagũ ããrĩrikũrire ĩmudi ããrĩmĩ masakare. ĩgũ magũ ããrĩpererã dupuyuro, ããrĩpereri dupuyuro ããrĩsiadi ããrĩmĩ. Irasirigũ ããrĩpererã Marĩpũ irinerã nemorõ Opũ ããrĩmĩ.

16 Cristo merã Marĩpũ ããrĩpererã ãmũgasigue, i nikũgue ããrĩrã, marĩ ĩãrãrẽ, marĩ ĩãmerãdere iridi ããrĩmĩ. Gaji marĩ ĩãrĩrẽ, marĩ ĩãbiridere iridi ããrĩmĩ. Oparãrẽ, dorerãrẽ, turarãrẽ, ãmũgasigue ããrĩrãrẽ, i nikũgue ããrĩrãdere ããrĩpererãrẽ iridi ããrĩmĩ. Irasiriro ããrĩpererã, ããrĩpereri ĩgũ iridea ããrã. Irire irigũ: “Yũ magũya ããrã”, ãrĩdi ããrĩmĩ.

17 Cristo ããrĩpererã, ããrĩpereri dupuyuro ããrĩsiadi ããrĩmĩ. Irasirigũ ĩgũ turari merã ããrĩpererãrẽ, ããrĩpereridere i ãmũguere ĩgũ gããmerõsũta keoro ããrĩmakũ irinĩmĩ.

18 Marĩ ĩgũrẽ bũremurĩ bumarã, ĩgũyarã ããrĩsã, ĩgũya dupũ irirosũ ããrã. Irasirigũ marĩ dipuru, marĩ Opũ ããrĩmĩ. ĩgũ boadero pũrũ, marĩ ããrĩpererã dupuyuro ãmũgasigue masã mũrĩapũroridi ããrĩmĩ ããrĩpererire, ããrĩpererãrẽ dorebu.

19 Marĩpũ ĩgũ gããmederosũta ĩgũrẽ ãsũ ãrĩdi ããrĩmĩ: “Yũ magũ, yũ irirosũta ããrĩburo”, ãrĩdi ããrĩmĩ. Irasirigũ Cristo ããrĩpereri Marĩpũ ããrĩrikũrire opami.

20 Marĩpũ ããrĩpereri i ãmũmarẽ, ããrĩpererã i ãmũgue ããrĩrãdere ĩgũ merã õãrõ ããrĩmakũ

gããmegũ, Cristore iriudi ããrĩmĩ. Īgũ gããmederosũta Cristo curusague boagũ dí béori merã ãmũgasi marãrẽ, i nikũ marãdere: “Yũ merã õãrõ ããrĩburo”, ãrĩgũ, irasiridi ããrĩmĩ.

²¹ Iripoegue mũsãde ñerĩrẽ iririkusĩã, Marĩpũ merã õãrõ ããrĩbiri, Īgũrẽ ĩãturi, ñerõ gũñaunanerã ããrĩbũ.

²² Mũsã irasũ ããrĩkerepũũ, Marĩpũ, Cristo boadea merã mũsãrẽ Īgũ merã õãrõ ããrĩmakũ iridi ããrĩmĩ. Cristo, marĩ irirosũ dupũkũgũ ñerõ tari, boadi ããrĩmĩ. Irasirigũ Cristo boadea merã Marĩpũ mũsãrẽ Īgũ pũrogue Īgũyarã õãrã, waja opamerã ããrĩburire ãmudi ããrĩmĩ.

²³ Mũsã piriro marĩrõ gũñaturari merã Cristore bũremumakũ, Īgũ mũsãrẽ tauri kerere kãtibirimakũ, Marĩpũ mũsãrẽ Īgũ pũrogue Īgũ merã ããrĩmakũ irigũkumi. Iri kerere mũsã pédeare ããrĩperero i ãmũ marã péperekõãma. Yũ Pablode iri kerere weretamugũta ããrã.

Marĩpũ Pablode Jesũre bũremurãrẽ iritamudore-dea

²⁴ Cristo marĩ Īgũyarã ããrĩburire curusague boagũ, bũro ñerõ taridi ããrĩmĩ. Marĩ Cristore bũremurĩ bumarã, Īgũyarãta ããrĩsĩã, Īgũya dupũ irirosũ ããrã. Irasirirã Īgũyarã ããrĩrĩ waja ñerõ taria. Marĩ ñerõ tariburo dũyãa dapa. Irasirigũ yude Īgũrẽ bũremurãrẽ iritamudũgũ, ñerõ taria. Ñerõ tarikeregũ, mũsũyãa. Pũrũgue marĩ ñerõ tariri pererokoa.

²⁵ Marĩpũ yũre Jesũre bũremurãrẽ iritamubure, mũsãya ããrĩburire Īgũya kerere mũsãrẽ werepeobure pími.

26 Iripoeguere wári buri marãrẽ iri kerere masĩpeomakũ iribiriunadi ããrĩmĩ. Dapora marãrẽ ãgũyarãrẽ irire õãrõ masĩpeomakũ yámi.

27 Irasirigũ iri kerere iripoegue marã masĩbirideare musã judío masaka ããrĩmerãdere masĩmakũ gããmemi. Iri kere ãsũ ãrã: “Cristo ãgũyarãguere ããrĩmi. Irasirirã ãmũgasigue ãgũ õãtariro ããrĩrõgue ãgũ merã ããrĩrãkuma”.

28 Gũa Cristoyamarẽta werea. ããrĩpererãrẽ ãgũyare pẽmasĩdorerã, ããrĩpereri Marĩpũ guare masĩrĩ sĩrĩ merã buea. ãgũ gããmerõsũta iridorerã, ãgũ merã õãrõ ããrĩburo, ãrĩrã, werea.

29 Irita ããrã yũ moãrĩ. Cristo turari sĩdero bokatĩũrõ masakare ãgũyare bue, ãgũsãya ããrĩburire Marĩpũre sërẽbosáa.

2

1 Ire musã masĩmakũ gããmea. Musãya ããrĩburire, Laodicea marãya ããrĩburire, ããrĩpererã yũre ããmerãya ããrĩburidere burõ gũña, Marĩpũre sërẽbosáa.

2 ãsũ ãrĩ sërẽa Marĩpũre: “Gũapũ, ãgũsãrẽ õãrõ yũjũpũrãkumakũ irika! Õãrõ gãme maĩrĩ merã ããrĩrikumakũ irika! ãgũsãrẽ mũ magũyamarẽ õãrõ pẽmasĩmakũ irika! Mũ magũyamarẽ pẽmasĩrã, gũñaturari merã ããrĩrikurãkuma. Iripoegue marã masĩbirideare õãrõ masĩrãkuma”, ãrĩ sërẽbosáa.

3 Cristo dita ããrĩpererire õãrõ masĩgũ, õãrõ pẽmasĩgũ ããrĩmi. ãgũ dita marĩrẽ ãgũyamarẽ masĩmakũ irigũ ããrĩmi. Irire masĩrã, õãtaririre masĩa.

4 Gajerã musãrẽ õãrõ pẽsuyuri werenĩrĩ merã ãrĩgatobokuma, ãrĩgũ, irire werea.

⁵ Y_u musã watopegue ããrĩbirikereg_u, musã merã ããrĩgá irirosũ péñaá. Musãrẽ buro gũñaá. Musã Cristore gũñaturari merã òãrõ buremurĩrẽ musã òãrõ ããrĩrikurire pégu, usuyáa.

⁶ Irasirirã marĩ Op_u Jesucristore buremurã ìgũrẽ musã buremunugãderosũta: “Yure iritamugukumi”, ãrĩ buremuní, ãmurik_u ìgũ merã òãrõ ããrĩníkõãka!

⁷ Ìgũrẽ òãrõ masĩrã, ìgũyare irirã ããrĩka! Gajerã musãrẽ buederosũta piriro marĩrõ gũñaturari merã ìgũrẽ buremunemoka! ãmurik_u Marĩp_ure: “Òãa”, ãrĩ, usuyari sĩka!

Jesúre buremurã Marĩp_u merã òãrõ ããrĩrĩmarẽ gojadea

⁸ Òãrõ pémasĩka! Masaka ìgũsã gããmerõ buerire, ìgũsã ãrĩgatorire pébirikõãka! Ìgũsã iripoegue marã ããrĩrikudeare, ìgũsã basi i ãmumarẽ ìgũsã gũñarĩrẽ buema. Gajerãrẽ Jesucristoyare buerã meta ããrĩma. Ìgũsã ìgũyare pirimakũ iriduarã, irasũ buema.

⁹ Cristo, marĩ irirosũ dupukug_u ããrĩgú ããrĩpereri Marĩp_u ããrĩrikurire opag_u ããrĩmĩ.

¹⁰ Musã Cristoyarã ããrĩmakũ, Marĩp_u musãrẽ ìgũ irirosũ òãrã ããrĩmakũ yámi. Cristota ãmugasi marã, i nikũ marã, deyorã, deyomarĩrã ããrĩpererã oparã nemorõ Op_u ããrĩmĩ. Irasirirã ãrĩgatori merã buerãrẽ pébirikõãka!

¹¹ Cristoyarã ããrĩsĩã, dupuma gasirogãrẽ wiirisũbirikererã, wiirinerã irirosũ ããrã. Masaka musãrẽ irasũ ããrĩmakũ iribirima. Marĩp_u gap_u musã Cristoyarã ããrĩmakũ, musãrẽ ìgũ merã taudi ããrĩmĩ, musã ñerĩ ãaribejarire piriburo, ãrĩgũ.

12 Musã Cristoyarã ããrĩsĩã, deko merã wãïyesũrã, Cristo boa, yáasũderosũta musãde ïgũ merã boa, yáasũnerã irirosũ waabu. Boanerã ñerĩrẽ neõ irinemomasĩbema. Irasirirã musã wãïyesũrã, musã iripoegue ñerõ iriunadeare piririre ïmurã iribu. Musã irasũ wãïyesũmakũ, Marĩpu Cristo boadiguere masũderosũta musãdere ïgũ merã masũnerã irirosũ ããrĩmakũ iridi ããrĩmĩ. “Marĩpu ïgũ turari merã Cristore masũdi ããrĩmĩ”, ãrĩ buremumakũ, musãrẽ irasiridi ããrĩmĩ õãrĩ gapure iriburo, ãrĩgũ.

13 Iripoeguere musã ñerõ iridea waja peamegue waabonerã ããrĩnerã ããrĩbũ. Marĩpuyarã ããrĩbirisĩã, irasũ ããrĩnerã ããrĩbũ. ïgũ dorerire opabirisĩã, irire iribirinerã ããrĩbũ. Daporare pama Marĩpu marĩrẽ ïgũ merã irasũ õãrõ ããrĩnimurã ããrĩmakũ yãmi. Cristo boadea merã irasũ yãmi. ïgũ boadea merãta ããrĩpereri marĩ ñerĩ irideare kãtidi ããrĩmĩ.

14 Iripoegue Marĩpu ïgũ dorerire marĩrẽ: “Ãsũ irika!” ãrĩ pídi ããrĩmĩ. Marĩ iri dorerire tarinugãnerã ããrĩkerepu, Cristo curusague boadea merã marĩ ñerĩ iridea wajare kãtipeokõadi ããrĩmĩ.

15 Irasũ ããrĩmakũ, Cristo curusague boari merã wãtẽa oparãrẽ, ïgũsãrẽ dorerã turarãrẽ tarinugãkõadi ããrĩmĩ. Irasirigu ïgũ ïgũsãrẽ tarinugãdeare gajerãrẽ masĩmakũ iridi ããrĩmĩ.

Ëmugasimarẽ, Marĩpuyare irituyaka! ãrĩ gojadea

16 Irasirirã gajerã musãrẽ doreduarã: “Irire baarã, irire iirirã ñerĩrẽ irirã yã”, ãrĩ werewumamakũ irasũ pékõãka! Bojoriku, abe

deyoanariku, semanariku bosenurĩ ããrĩrĩnurĩrẽ ĩgũsã judío masaka irirosũ musã iridũabirimakũ werewuaridere irasũ pékõãka!

17 Iripoegue Marĩpu marĩrẽ ĩgũ dorerire pídi ããrĩmĩ, ĩgũ marĩrẽ Cristo merã iritamuburire pémasĩburo, ãrĩgũ. Daporare Cristo iri dorerire iripeogu ejadigue ããrĩmĩ marĩ ñerõ iridea wajare taubu.

18 ĩgũsã musãrẽ doredũarã: “Gajerã nemorõ ããrã”, ãrĩ gũñakererã, masaka péurogue: “Gajerã nemorõ ããrĩbea”, ãrĩ weregorenama. Marĩpũre wereboerãrẽ bũremurã, ĩgũsãrẽ: “Iritamuka guare!” ãrĩ sërẽma. “Kërõ irirosũ Marĩpu guare ĩmudeare ĩãbu”, ãrĩmoãmarã: “Masĩtarinugãrã ããrã”, ãrĩ gũñadima. ĩgũsã basi gũñarõsũ yãma. Irasirirã musãrẽ: “Gua irirosũ iribirimakũ, diayemarẽ iribea”, ãrĩ werewũamakũ irasũ pékõãka!

19 ĩgũsã Cristore bũremubema. Marĩ gapu ĩgũrẽ bũremurĩ bumarã, ĩgũyarã ããrĩsĩã, ĩgũya dupu irirosũ ããrã. ĩgũta marĩrẽ doregu, marĩ dipuru ããrĩmi. Irasirigu, Marĩpu gããmerõsũta marĩrẽ ĩgũya dupu irirosũ ããrĩrãrẽ gãme iritamu, ĩgũrẽ bũremunemomakũ yãmi.

20 Musã, Cristo boaderosũta ĩgũ merã boanerã irirosũ waanerã ããrĩsĩã, musãrẽ doredũarã i mũmarẽ ĩgũsã gũñarõsũ buerire bũremubirikõãka! Musã ñerõ iririre pirikererã, Cristoya buerire bũremukererã, ĩnasirirã ĩgũsã dorerire iridũari dapa?

21 ĩgũsã gããmerõsũ ãsũ ãrĩ buema: “Irinorẽ baabirikõãka! Irinorẽ ñeãbirikõãka!” ãrĩma. ĩgũsã irire irasũ ãrĩmakũ, ĩnasirirã ĩgũsã dorerire yũjũrĩ?

22 Īgūsā doreri: i ūmuma pereburi, masaka Īgūsā gũñarĩ merā bueri āārā. Irasiro wajaamá.

23 Īgūsā dorerire irirā: “Marĩpuyare oārō masĩrĩ merā Īgũrē b̄remurā yáa”, ārĩ gũñadima. Īgūsā dupare ñerō tarimakū irirā, “Goepeyari merā Marĩp̄re b̄remurā yáa”, ārĩ gũñadima. Īgūsā dorerire irirā, masaka péurogue: “Gajerā nemorō āārĩbea”, ārĩ weregorenakererā, diayemarē irirā irirosū iriadima. Īgūsā dorerire irikererā, Īgūsā ñerĩ uaribejarire piribema. Irasiro Īgūsā doreri wajaamá.

3

1 Marĩp̄ Cristore boadiguere masũderosũta musādere Īgũ merā masũnerā irirosū āārĩmakū iridi āārĩmĩ oārĩ gap̄re iriburo, ārĩgũ. Irasirirā musā iro dupuyuro ñerĩ irideare p̄ri, ūmugasimarē Cristoyare gāameka! Irogue Cristo Īgũ Paḡu diaye gap̄u doagu āārĩpererārē doregu āārĩmi.

2 Ūmugasimarē gũñanĩka! I ūmumarē gũñanĩbirikōāka!

3 Musā Cristoyarā āārĩsĩā, Īgũ boaderosũta musāde Īgũ merā boanerā irirosū waanerā āārĩbú. Irasirirā boanerā ñerĩrē neō irinemomasĩmerā irirosū musā iripoegue ñerō iriunadeare pirib̄. Daporare Cristo merā Marĩp̄ p̄rogue masaka ĩāberogue perebiri okari opamurā āārā.

4 Irasirirā, Cristo marĩrē okari s̄īgũ i ūmugue dupaturi aarimakū, ūmugasigue Īgũ gosewasiri āārĩrōgue Īgũ merā waarākoa.

Iro dupuyuro ñerĩ irideare pirika! ārĩ gojadea

5 Irasirirã i ãmãma ñerĩ iririre pirikõãka! Neõ sugũ mojõsiabirikeregũ, nomeõ merã ããrĩbirikõãka! Neõ sugo mojõsiabirikerego, ãmũũ merã ããrĩbirikõãka! Ñerã seyaro ñerõ irirã irirosũ iribirikõãka! Ñerĩ ãaribejarire iribirikõãka! Gajinorẽ opadũarã, bũro gããmebirikõãka! Masaka Marĩpũre gããmerõ nemorõ gajino garũre gããmerã, keorĩ weadeare bũremurã irirosũ yãma.

6 Iri ñerĩrẽ irirã, Marĩpũ dorerire tarinũgãrã ããrĩma. Irasirigũ ãgũsãrẽ bũro wajamoãgũkumi.

7 Iripoeguere iri ñerĩrẽ irirã irirosũ mũsã ããrĩunanerã ããrĩbũ.

8 Dapora ããrĩpereri i ñerĩrẽ pirika! Guarire, sĩtĩrĩrẽ, gajerãrẽ ñerõ gũñarĩrẽ, gajerãrẽ ñerõ kere werenĩrĩrẽ, ñerĩ gũyasiũrĩ werenĩrĩrẽ pirikõãka!

9 Gãme ãrĩgatobirikõãka! Mũsã Cristoyarã ããrĩsĩã, mũsã ãgũyarã ããrĩburi dupuyurogue ããrĩrikũunaderosũ neõ ããrĩbea. Mũsã ñerĩ iririkũunadeare pirinerã ããrã.

10 Mũsã Cristoyarã ñajãmakũ, Marĩpũ mũsãrẽ maama ããrĩrikũrere opamakũ iridi ããrĩmĩ. Irasirigũ mũsãrẽ ãgũ õãgũ ããrĩrõsũ ããrĩmakũ yãmi. Mũsãrẽ ãgũrẽ õãrõ masĩnemoburo, ãrĩgũ, irasũ yãmi.

11 Irasirirã marĩ Cristoyarã ããrĩrã: judío masaka, judío masaka ããrĩmerãde, dupũma gasirogãrẽ wiirisũnerã, wiirisũbirinerãde, gajĩ nikũ marã, masĩmerãde, moãboerimasã, moãboerimasã ããrĩmerãde, Marĩpũ ãũrõrẽ sũrosũ ããrã. Cristo marĩ ããrĩpererã Opũ ããrĩmi. Irasirigũ ããrĩpererã ãgũyarã merã ããrĩmi.

12 Irasirirã mũsã Marĩpũ beyenerã, õãrã, ãgũ maĩrã ããrĩrã ãsũ ããrĩrikũka! Gajerãrẽ bopoñarĩ merã ããka! ãgũsãrẽ õãrõ ãsũyarĩ merã iritamuka!

“Gajerã nemorõ ããrã”, ãrĩ gũñabirikõãka! Mũsãrẽ ñerõ irikerepũũ, irasũ péñakõãka! Gũñaturaka!

¹³ Guari marĩrõ gajerãrẽ bopoñarĩ merã ããka! Gajerã merã gãme turianerã, ãgũsã mũsãrẽ ñerõ irideare ãgũsãrẽ kãtika! Marĩ Opũ mũsã ñerĩ irideare kãtidi ããrĩmĩ. ãgũ kãtiderosũta mũsãde mũsã merãmarã mũsãrẽ ñerõ irideare kãtika!

¹⁴ I doreri nemorõ mũsãrẽ: “Gajerãrẽ bũro maĩ bũremuka!” ãrã. Mũsã irasirirã ããrĩpererã gajerã merã õãrõ ããrĩrãkoa.

¹⁵ Marĩpũ marĩrẽ siuñajãrĩ merã ããrĩrikũmakũ yãmi. Irasirirã mũsã merãmarã merã õãrõ ããrĩka! Marĩ ãgũyarã su bumarãta ããrã. Marĩpũ marĩrẽ irasũ ããrĩmurãrẽ pídi ããrĩmĩ. Irasirirã ãgũrẽ: “Õãa”, ãrĩ, usũyari sĩnĩkõãka!

¹⁶ Cristoya kerere gũñanĩkõãka, irire masĩnemomurã! Õãrõ pémasĩrĩ merã ãgũyare gajerãrẽ bueka! Goepeyari merã wereka, ãgũsãde ãgũyare õãrõ iriburo, ãrĩrã! Irasirirã Salmos wãikũri gojadea pũgue Marĩpũya bayarire, gaji ãgũrẽ bũremurĩ bayarire ãgũrẽ bayapeoka! Õãrõ gũña bũremurĩ merã bayapeoka! Irasirirã Marĩpũre: “Õãa”, ãrĩ, usũyari sĩka!

¹⁷ Marĩ Opũ Jesús usũyaburosũta ããrĩpereri mũsã iririre, ããrĩpereri mũsã werenĩrĩrẽ õãrõ yũjũpũrãkũri merã irika! Irasirirã, Jesús iritamurĩ merã Marĩpũre: “Õãa”, ãrĩ, usũyari sĩka!

Pablo Jesũre bũremurãrẽ: “Ãsũ irika!” ãrĩ gojadea

¹⁸ Mũsã marãpũkũrã nome, Cristo marĩ Opũyarã nome ããrĩsĩã, mũsã marãpũsãmarãrẽ õãrõ yũjũka!

19 Musã marãpokurã, musã marãposã nomerẽ maĩ buremuka! Ìgũsãrẽ turibirikõãka!

20 Musã Ìgũsã pũrãde ããrĩpereri musã pagusãmarã dorerire tarinũgãbirikõãka! Musã irasirimakũ, marĩ Opũ õãrõ usuyagukumi.

21 Musã Ìgũsã pagusãmarãde musã pũrãrẽ turi, Ìgũsãrẽ guamakũ iribirikõãka, bujawereri merã yujupũrãkuri, ãrĩrã!

22 Moãboerimasã, ããrĩpereri musã oparã i ãmũ marã dorerire yujuka! Ìgũsã iũrõrẽ, Ìgũsã ããberoguedere õãrõ moãka! Ìgũsã musãrẽ õãrõ gũñaburire Ìgũsã iũrõ direta õãrõ moãmakũ õãbea. Musã, marĩ Opũre goepeyari merã buremurã ããrĩsã, musã oparãdere õãrõ merã yujuka!

23 ããrĩpereri musã iririre, õãrõ yujupũrãkuri merã irika! Masakare moãboekererã, diayeta marĩ Opũre Cristore moãboerã ããrã. Irasirirã musã oparãrẽ õãrõ moãboeka! Irasũ moãboerã, Cristore moãboerã irirosũ yáa.

24 Musã irasirimakũ, Cristo musãrẽ wajarigukumi. Ìgũyarãrẽ: “Ãsũ sĩgura”, ãrĩdeare musãrẽ sĩgukumi. Musã irire masĩa. Musã marĩ Opũre Cristore moãboerã ããrã. Ìgũta musã Opũgora ããrĩmi.

25 Marĩpũ ñerõ irirãrẽ Ìgũsã ñerõ iridea waja wajamoãgukumi. Ìgũsãrẽ ããrĩpererãrẽ sũrosũ ããgũ, keoro wajamoãgukumi. Neõ sugũ tariwerebirikumi.

4

1 Musã oparã, musãrẽ moãboerimasãrẽ diayemarẽ irika! Ìgũsãrẽ õãrõ opaka! Ire musã

masĩa. Mũsãde Opũ opáa. Mũsã Opũ ãmũgasigue ããrĩgũ Marĩpũ ããrĩmi.

² Ɖmũrikũ òãrò gũña pémasĩ, Marĩpũre sērēnikòãka! Īgũrē: “Ōãa”, ãrĩ, usũyari sĩka!

³ Marĩpũre guaya ããrĩburidere sērēbosaka! Gua Cristoya kerere iripoegue marã masĩbirideare gajerãrē buedũakoa. Irasirirã Marĩpũre gua ĩgũsãrē iri kerere òãrò bueburire sērēbosaka! Yũ iri kerere wereri waja daporare peresugue ããrã.

⁴ Irasirigũ Marĩpũre yaa ããrĩburire mũsã sērēbosamakũ gããmea. Marĩpũre ĩgũ dorederosũta Cristoya kerere gajerãrē pémasĩma òãrò yũ wereburire sērēbosamakũ gããmea.

⁵ Jesúre bũremumerãrē pémasĩrĩ merã òãrò irika! Īgũsãrē ĩgũyare wereka! Īgũsã merã mũsã ããrĩròpã ĩgũsãrē òãrò irika, ĩgũsãde Jesúre bũremuburo, ãrĩrã!

⁶ Gajerã merã weretamurã, òãrò merã weretamuka! Ōãrĩ direta werenĩka! Mũsã irasirirã gajerã ĩgũsã Jesúyamarē mũsãrē sērēñamakũ, òãrò masĩrĩ merã yũjurãkoa ĩgũsãrē.

Pablo òãdoretũnudea

⁷ Tíquico, marĩyagu marĩ maĩgũ, Jesúre bũremugũ ããrĩmi. Īgũ yũ ããrĩrikũrere mũsãrē weregũkumi. Marĩ Opũyare buegũ, yũ merã moãgũ ããrĩmi. Neò iri moãrĩrē piribemi.

⁸ Mũsã pũrogue ĩgũrē iriua, gua ããrĩrikũrere masĩ, mũsãrē gũñatura, usũyamakũ iriburo, ãrĩgũ.

⁹ Onésimo merã ĩgũrē iriua. Īgũde Jesúyare neò piribemi. Mũsãya makãmũ, marĩyagu marĩ maĩgũ

ããrĩmi. Īgũsã pērã gũa naásũ waadeare ããrĩpererire wererākuma mʉsãrẽ.

10 Aristarco yʉ merãmʉ, yʉ merã peresugue ããrĩgũ mʉsãrẽ õãdoremi. Marcode õãdoremi. Īgũ Bernabé pagumʉ ããrĩmi. Mʉsã pʉrogue Īgũ eja-makũ, õãrõ merã Īgũrẽ bokatĩrĩñeãka, yʉ mʉsãrẽ werederosũta!

11 Jesũs wãĩkugʉ, gajerã “Justo” wãiyedi mʉsãrẽ õãdoremi. Īgũ, Marcos, Bernabé merã yʉre moãtamurã ããrĩma. Īĩsã ʉrerãta gajerã judío masaka Jesũre bʉremurã watopeguere yʉre moãtamuma, masaka Marĩpʉ Īgũyarãrẽ doreri kerere péburo, ãrĩrã. Īgũsã yʉre iritamurĩ merã gũñatura, ʉsʉyãa.

12 Epafras mʉsãya makãmude mʉsãrẽ õãdoremi. Īgũ Cristoyagʉ Īgũrẽ moãboegʉ ããrĩmi. Marĩpʉre sērẽgũ, turaro mʉsãya ããrĩburire sērẽbosaníkõãmi. Marĩpʉre õãrõ gũñaturaní, Īgũ gããmerõsũ iriburo, ãrĩgũ, irasũ sērẽbosami.

13 Īgũ Marĩpʉre mʉsãya ããrĩburire turaro sērẽbosamakũ Īãa. Laodicea marãya ããrĩburire, Hierápolis marãya ããrĩburidere turaro sērẽbosami. Īgũ irasirimakũ Īãgũ, mʉsãrẽ irire diaye werea.

14 Duturu Lucas, marĩ maĩgũ mʉsãrẽ õãdoremi. Demade õãdoremi.

15 Õãburo marĩyarã Laodicea marã. Ninfra wãĩkugode õãburo. Jesũre bʉremurã igoya wiigue nerẽrãde õãburo.

16 I pũrẽ yʉ gojadea pũrẽ mʉsã nerẽrõgue bue ĩmu odo, Laodicea marãdere iriuka, Īgũsãde Īgũsã nerẽrõgue bue ĩmuburo, ãrĩrã! Irasirirã Īgũsãrẽ gaji yʉ gojadea pũrẽ ñeãrã, mʉsãde iri pũrẽ bue ĩmuka!

17 Æsũ ãrĩka Arquipore: “Marĩ Opũ Jesúyagu mũ ããrĩmakũ, mũrẽ ãgũ moãrĩrẽ pídi ããrĩmĩ. Irasirigũ irire õãrõ moãyuwarikũka!” ãrĩka ãgũrẽ!

18 Yũ Pablo, yaa mojõ merã ire gojáa: “Mũsãrẽ õãdorea”. Peresugue yũ ããrĩrĩrẽ gũña, Marĩpũre yaa ããrĩburire sãrẽbosaka! Õãrõ ããrĩka mũsã! Marĩpũ mũsãrẽ õãrõ iritamuburo.

Iropãta ããrã.

Pablo

Marĩpuya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 18 Apr 2025 from source files
dated 29 Jan 2022
1a0774e8-d152-5929-891b-95e0d2238786